



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De eadem re. lviii.

urn:nbn:de:hbz:466:1-10722

Qualiter ergo Dauid regum piissimus ampliauerat cultum Dei, & templum domini ædificare voluit, sed propter matrem sanguinem quæ effuderat, prohibitus est, & ipse conlegerat expensas. Salomon quoque filius eius idipsum quod ipse facere oportauerat, iubente & auxiliante domino, perfecit, & templum cum altari, & reliqua ad diuinum cultum peragendum consecrauit.

De eadem re. Cap. LVIII.

*Ex epist.
Felici 4.
pape omnibus
Episcopis
missa.*

Iudæi ergo loca in quibus domino sacrificabant diuinis habebant supplicationibus consecrata, nec in aliis quam Deo dicatis locis munera domino offerebant. Scimus enim Iudæi, qui vmbra legis deseruiebant hæc faciebant multo magis quibus veritas patefacta est, & gratia, & veritas per Iesum data est, templa domino ædificare, & prout ut melius possumus ornare, eaque diuinis precibus & sanctis vntionibus suis cum altaribus & vasis, vestibus que & reliquis ad diuinum cultum explendum vtenibus deuotè & solenniter sacrare, & nõ in aliis locis, quam in domino sacratis ab episcopis, & non à chorepiscopis qui sæpe prohibiti sunt, nisi, vt prædictum est, summa urgente necessitate, Missas celebrare, nec sacrificia domino offerre debemus. Et hoc, nisi summa necessitas agere compulerit, non in domibus: quia in sacris canonibus sacrificia in domibus offerri prohibita sunt, sed in tabernaculis diuinis precibus à pontificibus dicatis, & in mensis domino sacratis, & sacra vntione à pontificibus delibuit pro summa, vt præfixum est, necessitate. & non pro libere cuiusquam, & pigritia agatur. Satius est missam non cantare, aut non audire, quam in his locis, vbi fieri non oportet fore, nisi, vt sæpe dictum est, pro summa contingat necessitate: quoniam necessitas legem non habet. Vnde scriptum est: Vide ne offeras holocausta tua in omni loco quod videris sed in loco quem elegerit dominus Deus tuus. in Exodo legitur: Vos vidistis, quia de cælo loquutus sum vobis: Nõ facietis deos argenteos, nec deos aureos facietis vobis. Altare de terra facietis mihi, & offeretis super altare holocausta, & pacifica vestra. Oues vestras in omni loco quo memoria fuerit nominis mei. Et sicut nõ alii quam facti domino sacerdotes debent Missas cantare, nec sacrificia

per altare offerre, sic nec in aliis, quàm in præfatis domino sacratis locis Missas cantare, aut sacrificia offerre licet. Si autè legitur in concilio Laodicensi capite XXVI. Quòd hi qui non sunt ab episcopis ordinati, tam in Ecclesiis, quàm in domibus exorcizare non possunt, multò magis maioris gradus ministeria, nisi ab eis, qui ad eos gradus sunt sacrati, quibus fungi debent, vel officia agi, vel sacrificia offerri non licet. Quod autem, vt paulò superius prælibatum est, oblationes in domibus offerri non debent in eodem concilio, cap. LIX. prohibitum habetur ita. Non oportet in domibus oblationes celebrari ab episcopis vel presbyteris. Solennitates verò dedicationum Ecclesiarum & sacerdotum, per singulos annos solenniter sunt celebrandæ, ipso domino exempla dante, qui ad festum dedicationis templi, omnibus id faciendum dans formam, cum reliquis populis eandem festiuitatè celebraturus venit, sicut scriptum est: Facta sunt encœnia Hierosolymis, & hyems erat, & ambulabat Iesus in templo in porticu Salomonis. Quòd autè octo dierum sint Encœnia celebranda, in libro Regum peracta dedicatione templi reperietis. De ecclesiarum verò consecratione quoties dubitatur, & nec certa scriptura, nec certi testes existunt, à quibus consecratio sciatur, absque vlla dubitatione scitote eas esse sacrandas, ne talis trepidatio faciat deteriorationè: quoniã non monstratur esse iteratum, quod nescitur factum. His fratres testimoniis scripturarum, ab apostolica auctoritate consultis vestris breuiter respòdisse sufficiat: vobis tamen præuidendum est, & omnibus prædicandum, vt illicita non agantur.

*Quòd non liceat Missas celebrare, nisi in locis
ab episcopo ciuitatis consecratis.*
Cap. LIX.

HIC ergo, hoc est, in præsentì vita positos oportet vos agnoscere voluntatem & præceptum Dei, vbi & agendi, & sacrificandi sit locus: quoniã in aliis locis sacrificare, & missas celebrare nõ licet, nisi in his in quibus episcopus proprius iusserit, aut ab episcopo regulariter ordinato, tenete videlicet ciuitatè, consecrati fuerint. Aliter enim non sunt hæc agenda, nec ritè celebranda, docete nos

*Ex decret.
Clemētis
papæ. ca.
22.*